



Fw: Tillaga borgarfulltrúa Flokks fólksins um að notkun frístundakorts verði í samræmi við markmið þess og afnám skilyrða vegna fjárhagsaðstoðar

Bréf: Annað

Málsnúmer: 2019100011

Eigandi skjals: Helga Björnsdóttir

Staða: Í vinnslu

Dagsetningar:

Búið til: 09.10.2019

Dagsetning skjals: 03.10.2019

Upplýsingar um viðskiptavin:

Netfang: Ivar.Vincent.Smarason@reykjavik.is

Skjalalykill Móttökudags.	03.10.2019	Málsnúmer Skráð í GoPro	2019100011 09.10.2019
------------------------------	------------	----------------------------	--------------------------

Viðtakandi	Sendandi
Deild (Ráðhúss) Starfsmaður	Fyrirtæki/stofnun Nafn Kennitala:
Tegund skjals Efnisorð Eldri skjalalykill	Fyrir Borgarráð  Er flokkað eftir aldri <input type="radio"/> Já <input checked="" type="radio"/> Nei skjalalykli í skjalasafni.

Sent:

Sent til:

Notandi: Ivar.Vincent.Smarason@reykjavik.is

Dagsetning: 3.10.2019 15:40:46

Til: "Helga Björnsdóttir" <helga.bjornsdottir@reykjavik.is>

Efni: Fw: Tillaga borgarfulltrúa Flokks fólksins um að notkun frístundakorts verði í samræmi við markmið þess og afnám skilyrða vegna fjárhagsaðstoðar

Tilvísun í mál: R19100024

Kveðja,

Ívar Vincent Smáráson  
Skrifstofa borgarstjórnar  
Ráðhús Reykjavíkur  
s. 411 4703  
[Ivar.Vincent.Smarason@reykjavik.is](mailto:Ivar.Vincent.Smarason@reykjavik.is)

Reykjavík, 3.  
október 2019  
R19100024

Tjarnargötu 11

105 REYKJAVÍK

Efni:

*Tillaga borgarfulltrúa Flokks fólksins um að notkun frístundakorts verði í samræmi við markmið þess og afnám skilyrða vegna fjárhagsaðstoðar*

Á fundi borgarstjórnar þann 1. október 2019 var samþykkt að vísa svohljóðandi tillögu borgarfulltrúa Flokks fólksins til meðferðar menningar-, ípróttá- og tómstundaráðs:

Borgarfulltrúi Flokks fólksins leggur til að borgarstjórn samþykki að frístundakortið verði einungis notað í samræmi við skilgreint markmið þess og tilgang. Þar með verði afnumið skilyrði að til þess að geta sótt um aðra fjárhagsaðstoð, þ.m.t. þriggja mánaða skuldaskjól eða afskrift vanskila, verði foreldri/skuldari fyrst að nýta rétt til frístundakorts skv. greinum 16a og 16b í reglum um fjárhagsaðstoð frá Reykjavíkurborg og reglum um verklag vegna vanskila foreldra er varðar þjónustu við börn. Hugmyndafræðin að baki frístundakorti tengist ekki á neinn hátt erfiðleikum foreldra að greiða fyrir frístundaheimili hvað þá greiðslu skulda eða afskriftir vanskila foreldra við borgina. Þvert á móti er markmið og tilgangur frístundakortsins að: Öll börn og unglingar í Reykjavík 6-18 ára geti tekið þátt í uppbyggilegu frístundastarfi óháð efnahag eða félagslegum aðstæðum foreldra. Árið 2009 var samþykkt á fundi borgarráðs að unnt verði að greiða fyrir frístundaheimili með frístundakortum. Sú ákvörðun gengur einnig í berhögg við markmið og tilgang frístundakortsins. Frístundakortinu er ætlað að auka jöfnuð og fjölbreytni í iðkun ípróttá-, lista- og tómstundastarfsemi. Að spyrða rétt barns til frístundakorts við fjárhagserfiðleika og umsókn foreldra um fjárhagsaðstoð og skuldaskjól eða nota það sem gjaldmiðil upp í greiðslu vegna nauðsynlegrar dvalar barns á frístundaheimili er brot á rétti barnsins.

Það tilkynnist hér með.

Borgarfulltrúi Miðflokksins sat hjá við afgreiðslu málsins.

Greinargerð fylgir tillögunni.

Borgarfulltrúar Samfylkingarinnar, Viðreisnar, Pírata og Vinstri grænna lögðu fram svohljóðandi bókun:

Frístundakortið er stuðningur sem Reykjavíkurborg veitir öllum börnum sem í henni búa. Fyrir nokkrum árum, þegar hagur margra heimila í borginni þrengdist í kjölfar efnahagshruns og þörf heimila fyrir lengri viðveru barna í skólum meðan foreldrar stundi vinnu, var sú krafa hávær að hægt væri að nota frístundakortið til að greiða fyrir frístundaheimili. Orðið var við því og hefur það reynst vel. Það getur verið góð leið til að minna foreldra á tilvist kortsins og þeir þannig sennilegri til að halda áfram notkun þess, þó barnið sé ekki lengur í frístund. Eðlilegt er að fjölskyldur sem eiga rétt á þeim stuðningi noti hann, ef þeir þurfa þjónustu sem fellur að möguleikum kortsins, áður en sækja á annan stuðning. Nú stendur yfir vinna við endurskoðun á reglum sem gilda um notkun frístundakortsins og er tillögunni vísað til

menningar- íþróttá- og tómstundaráðs.

Borgarfulltrúi Sósíalístaflokks Íslands lagði fram svohljóðandi bókun:

Því miður getur staðan oft verið þannig að fátækir foreldrar þurfa að treysta á frístundakortið til að greiða fyrir dvöl barna sinna á frístundaheimilum. Það er mikilvægt að tryggja að efnahagur standi ekki í vegi fyrir því að börn geti lagt stund á þær frístundir og tómstundir sem þau hafa áhuga á og að Reykjavíkurborg geri allt sem í hennar valdi stendur til að tryggja að slíkt geti orðið að möguleika.

Borgarfulltrúi Flokks fólksins lagði fram svohljóðandi bókun:

Í gegnum tíðina hefur borgarmeirihlutinn gengisfellt frístundakortið. Opnað hefur verið fyrir að nota það til að greiða nauðsynjar eða sem gjaldmiðil upp í skuld foreldra. T.d. er notkun þess skilyrði til að fá skuldaskjól hjá borginni í þrjá mánuði eða afskrift vanskila. Hugmyndafræðin að baki frístundakorti tengist ekki á neinn hátt erfiðleikum foreldra að greiða fyrir frístundaheimili, hvað þá greiðslu skulda eða afskriftir vanskila foreldra við borgina. Hvað varð um hugsjónina að baki frístundakortsins og þann göfuga tilgang sem lýst er svo fagurlega í reglum um kortið? Sú tillaga sem VG lagði fram árið 2009 að unnt verði að greiða fyrir frístundaheimili með frístundakortum gengur í berhögg við markmið og tilgang frístundakortsins. Hvar er hugsunin um jöfnuð? Eða vilji til að freista þess að auka möguleika á að börn sitji við sama borð? Að spyrða rétt barns til frístundakorts við fjárhagserfiðleika og umsókn foreldra um fjárhagsaðstoð eða nota það sem gjaldmiðil upp í frístundaheimili er brot á rétti barnsins. Markmið kortsins hefur verið afbakað. Það sætir furðu að síðasti og núverandi meirihluti í borgarstjórn hafi leyft sér að breyta markmiði frístundakortsins þannig að það er nú notað ekki síður sem bjargir frekar en tækifæri.

Helga Björk Laxdal  
e.u.

Hjálagt:

Tillaga borgarfulltrúa Flokks fólksins